

福建府縣志輯

中國地方志集成

民國 國沙縣志
雍正 永安縣志
道光 永安縣續志
乾隆 將樂縣志
民國 國泰縣志

沙縣志卷之一

目錄

序文
凡例
職員表
目錄
圖考
緯候

沙縣志

卷之一

目錄

增修沙縣志序

昔葉陽子守南康雨下車即詢郡志君子曰知務哉郡之與縣無以異也郡志之與縣志尤無以異也縣之有志猶國之有史凡政教之因革風俗之淳樸戶口之息耗人文之盛衰與夫一切山川形勢之宜利害險要之故胥於志乎在為治者將於此規消息焉然則一行作吏縣志謂非當務之急哉願作之者不易而修之者亦難余以民國丁卯春由南平移家沙邑即有志於斯維時伏莽竊發出為民患未遑顧及幸軍界黃團長章五張營長登三和衷共濟剿撫兼施不遺餘力匪以殄滅民以乂安乃以公牘餘閒延邑之精神而鹿詢之始悉沙志自道光甲午年一修曠自今將及百年民國六年修全國通志飭各道縣修志以備採入總志時曲令建章奉勅即延邑之文學士關局纂修閱以地方不靖軍事旁午數載未竣中道而止迄今又將十年嗚呼沙志之修何其難也且舊志刊板藏在梅岡書院為過境駐軍所燬及今不修將文獻無徵後雖有作者無從措手余既忝忝斯邑將誰責耶因是惘然慨然起時邑之舊教有會長翁子能輝與余具有同情乃延之商確使專任籌備期以四閱月歲事籌備甫就結爰於戊辰八月一日開局延邑之羅子寬翁子能輝官子嘉典林子鍾堯徐子鍾佐吳子贊虞

沙縣志

卷之一

序文

任纂修朝夕工作至十一月旬餘前後百餘日全部脫稿夫清代迄今百年而未修民七迄今十年修之而未成何其難也十旬而舉之又何其易也世天章有待與抑人事未盡與故略叙願末一以見修志之難一以為新志之垂至於體例之當否文質之適宜修辭之工拙以俟後之君子余不敢下斷語焉

昔

民國十七年歲次戊辰小陽月沙縣縣長沈溪梁伯蔭謹撰

增修沙縣志序

史者紀一代之書也惟司馬氏之史記起於五帝迄於西漢上下數千年凡事具載其後代各史繁簡不同若夫郡縣之志雖不比史記義例之嚴而土地人民政事述其既往顧其方來猶是史記之古今包舉也沙志自清道光甲午十四年一修迄今近百年矣此百年中土地必有變遷也人民必有增耗也政事必有張弛也他如天時人事文章風俗必有變遷與轉移也志不修後實徵證我民國丁巳六年縣知事曲公建章繼任知事田公景文奉檄修志爰附於林君紹唐官君舜階林君希唐諸人同任纂纂亦遂卒其間甫踰年兩軍圍城志局停辦所編稿未及其半而悉為屯兵所燬九年知事馬公準光重開志局仍聘前入從新纂修歷一寒暑卷帙已成十之六七又因地地方多故經費不敷而停止延至七年幸逢沈漢梁公少棠來長晉邑視篆二載善政多端公餘勸及邑乘知前修者尙未完缺亟欲揮歎而履成之而是時林君紹唐已歸道山矣梁公乃自膺監修之任改委曲公為總纂翁君煥燾為副纂其協纂則官君舜階林君希唐徐君佑商吳君幼華也曲鹿鹿凡材安敢任修明之重然左傳之作必據有春秋選史之編必本諸國策茲志之修不過仍道光舊志於煩者簡之訛者正之闕者補之新者

沙縣志

卷之一 序文

二

增之而已若篇目則悉遵憲頒編建省各縣志通用凡例與舊略有不同夫白年闕典經兩度之纂修而竟續增四月之編輯而皆竣添實成山合尖成增固賴同人分擔之力實有梁公籌助之功也雖採訪有未周紀載不無遺漏而概略已具後之君子有繼起而增訂者得是編或亦可資採擇歟是為序

中華民國十七年歲次戊辰孟冬月

清歲進士邑人羅克函謹撰

增修沙縣志序

邑之有志者固之有史也其疆域大小不同其範圍廣狹不同而其足以備考覽觀感風化正人心義則一也固不可一日無史邑不可一日無志縣志之修為容緩哉獨是沙志自清道光甲午一修越感向光宣迄今將及百年其間非無一二賢令尹與一二文學士留意於斯然鄉紳諸先生每有志而未逮遂斯邑者或實或否如博會為舊書續載之不暇而暇理此乎民國六年由令陳章繼任田令景文奉令修縣志會延邑人士開局纂修數年未成間以菴符舊民軍圍城守土者方艱役征徭之不暇遑問縣志近且舊版被燬紙本亦如碩果僅存再越數十年將百年來之流風餘韻及前此數百年之斷續補遺恐求之荒烟蔓草中而不可得吁可慨已幸而邑侯梁公以丁卯春由延平移長斯邑其時適值軍事旁午民心洶洶未遑著作梁公則與黃團長章五張團長登三和衷共濟勸善兼施匪以殄滅民以久安既而政簡刑清乃進予小子詢沙志經始未因其遺所以梁公慨然曰有是哉及余身而不修後將誰責哉爰命予小子勉備進行刻期舉事予自願學殖荒蕪作志又非所長懼無以報命但感公知遇安敢不奮發剴勵以副所知爰即晚夜籌備就緒於戊辰八月一日延邑之文學先進羅

沙縣志

卷之一 序文

三

師泳初等開局纂修師師等亦不辭勞瘁斯夕校讎善者因之陋者汰之譌者正之繁者刪之缺者補之窮四閱月之力而告成嗚呼向之數千百年而未修者前之縉紳先生有志而未逮者前之有司俯仰而未暇者鄉樂侯一投足一舉手之勞頓使千百年之變遷文化數百里之山川民物及留在天壤間垂千百年而不朽後之讀斯志者當知賢侯之功亦與斯志共垂不朽云

崑

民國戊辰十七年小陽月前沙縣教育會長里人翁能羅謹撰



凡例

- 一 縣誌宋元並闕初轉於明嘉靖丙申再轉於乙巳至萬曆辛卯乃合先後志而增刪之為考十其目六十有五清康熙辛巳重修從府志例統以十二綱每綱之下有目悉以其類屬焉道光甲午復加修訂仍準舊志而綱目悉增共綱二十目一百五十有二今則依新頒福建省各縣志通用凡例屬人民部者稱傳屬土地政事部者稱志於舊志事文中如有合纂者有分訂者有增錄者有改編者計分三十七門則亦有目
- 一 舊志有方輿有疆域今則合而為一統名地理志附以圖表而另纂緯候表於首以紀本縣所屬之經緯度以及寒暑氣候各節氣日出入時刻
- 一 兵事舊志載在詳異一門今仿春秋編年紀月之例改纂大事志而災祥變異之事仍附焉
- 一 溝渠陂塘橋梁閘等俱屬水利舊志混列於山川志中今悉為分出另纂一水利志
- 一 城池街市舊志統於疆域志中今疆域志改為地理志而城池街市等則另行分出增纂城市志

沙縣志

卷之一 凡例

- 一 公署壇廟學校書院倉廩坊表有嬰堂義冢之類皆建築也而舊志統入於經政志中今則經政志更纂建築志焉
- 一 舊志有古蹟一門今改稱為名勝志
- 一 戶口舊無專志僅統於田賦志中今田賦志加入稅則改名賦稅志其支出者另編為度支志而戶口則另纂一志焉
- 一 物產志仍準舊志編入
- 一 度支志專紀出款舊志所無今照福建各縣志通用凡例增之
- 一 舊官紳志今改為職官志
- 一 舊志原有學校一門選舉一門兩所載者僅備舉書院各種科目今學校志則增錄各種學堂選舉志則增錄各種舉考試各諸機關各議會選舉所有各種職名
- 一 近年推行各新政舊志所無者如武備則有勇營練官各兵制以及新軍械實業則有農工商礦各學堂各開辦交通則有郵電鐵路各局所各學堂刑罰則有各等級檢察廳審判廳各拘捕房各改良監獄外交則有通商傳教各交涉凡舊志所未有者

今皆分纂為志無者闕之

- 一 禮俗舊無專志今依新例增之
- 一 賑濟育嬰救生之類皆屬民政也舊志僅附於經政門今另編憲政志
- 一 舊志祀典一門今改名祠祀志
- 一 藝文一志如建置則有記行政則有奏議題詠則有詩舊志無不錄之今仿隋書經籍六門但分部彙錄其書之名間加提要不錄製謄詩文其有名人記序詩詞足資考訂者節錄於各建置各行政各名勝之下餘概不錄
- 一 金石志照舊編纂
- 一 舊志人物一門標目凡十有三今改纂列傳凡名臣宦績理學武功四類俱入焉其儒林文苑獨行舊名孝友方技流寓高士舊名方外舊名仙釋舊名志義舊名則皆分纂為傳以便觀覽
- 一 舊志政績今改名循吏傳
- 一 列女傳悉照舊志凡賢媛才媛節孝貞烈有事實者並登於冊其節烈而無事可立傳者題名列後焉

沙縣志

卷之一 凡例

- 一 前人行實本傳不能盡載散見各書者俱收入雜錄之內其他可錄者亦附存焉
- 一 志中所有各門事實自建邑起斷至民國十六年為止惡行纂入
- 一 志中事文俱以舊志為準關者補之訛者正之疑者存之不敢妄有去取其增訂者悉據採訪冊
- 一 獨行孝友節孝邑中人多以其先人入傳為請考其實行不難懷心貴當性善善從長有說可證故特實為收錄以俟後之君子平情而論定焉
- 一 生存節婦例不立傳今查道光新例由三十歲內守節已滿十年而身故者以及守節已滿二十年者准其聲明開闢是生存者亦得列名故職姓氏以俟表揚
- 一 見存鄉賢士大夫嘉言善行多可紀錄但未見其止不敢遽收恐有掛一漏萬之失俱闕之以俟後之君子

沙縣志

目錄

卷一

序文

凡例

職員表

目錄

圖考

緯候表

卷二

地理附圖

卷三

沙縣志

卷之一

目錄

一



大事 山川 卷四 水利 城市 建築 卷五 戶口 賦稅 物產 支度

卷九 藝文 金石 列傳 儒林 文苑 獨行 友誼 卷十一 方技 忠義 循吏

沙縣志

卷之一

目錄

二

職官 卷七 學校 選舉 卷八 武實 交通 刑法 外務 禮俗 惠政 祠祀附圖

列女上卷半

卷十二

列女下
貞烈
名媛

流寓

方外

雜錄

沙縣志

卷之一 目錄

三


圖

攷

沙縣志 卷之一

圖攷

河源委圖





孔溪林聯珠繪

圖

治


縣



園


學

儒




林聯瑛繪


縣立第一高小學校古興國寺



縣立第二高小學校古梅園書院




萬壽宮圖




林聯瑞繪

文昌宮圖




武帝廟圖




林聯瑞繪


東嶽宮圖



城隍廟圖



天后宮圖




洞天勝景圖




紉溪林聯珠繪

樹春崗鳳


圖地景八陽沙



北溪秋隱圖繪



北 鄉 地 圖



繪 珠 環 溪 北

緯候表

正位辨方體國經野必先占星以觀天候氣以觀事時曰定之方中作于楚宮揆之以日作于楚室占候之說由來舊矣後世星學一規西法沙之書略於星野氣候雖言之頗詳而本邑所屬之經緯度寒熱度及各節日出入之時刻皆未述西法而推算之何足以資占驗哉茲請明於星學者詳加考索論列於編以補闕緯候表

舊志星野

沙屬閩於地爲揚州越之分爲會稽郡故其星爲斗牛女其次爲星紀其辰爲丑蓋班固取三統曆十二次配野其言最詳其後費直蔡邕星雨禮陳卓更言郡國所入宿度頗有先後總之不離斗牛女近是黃帝以起斗十一度至女七度爲星紀黃帝起斗十度至女五度蔡邕起斗六度至女四度皇雨禮起斗一度至女七度晉志起斗十二度至女七度唐志初斗九度餘于四十二秒十二太中斗念四度一千七百八半終女四度元志起斗四度三十六分六十六秒各舉所占以立言惟陳卓范蠡鬼谷張良賈彥疏周張衡所云並以會稽入牛一度其說似有折衷然稽之晉志自尾十至斗十一爲幽州自女八至危十五爲青州

沙縣志

卷之一 緯候表

以天統地考之一度乃在二千九百三十四里間之去燕齊幾七千里而輒而乃以斗牛女統之乎大抵去斗牛女爲稍遠故以牛一之說爲折衷也而一統志復以爲牛女分野其必有所據耶此特以成次言矣夫星雖散布無不係於三垣通於五緯宋志云中宮北斗七星第四曰權揚州屬焉又星經云斗杓第六星曰開陽主揚州夫二十八會主十二州斗杓之是揚州直連中宮北斗也中宮者紫微垣也離下六星兩兩相比曰三台宋志云上台爲司命上台下星主判揚色青爲疾赤爲兵黃潤爲德白爲喪黑爲憂是於太微屬上台下星也宋志云天市垣二十二星東西各十一星其東垣兩第六星曰吳越是於大市主東垣兩星也至於五緯亦各有主星經云黃帝王揚州蓋炎惑爲赤帝熒惑之神而江河海岱爲丙丁之墟以之相映不亦宜乎要之閩中於揚越爲培塿沙在閩中又培塿中之一黑子耳何足以定天體不知天體離浩博奇異而山河之象存乎兩戒黃地絡之際者爲北戒是謂北紀以限北狄黃地絡之陽者爲南戒是謂南紀以限南蠻目嶼山嶺家南逾江漢東循嶺微連東歐閩中正兩戒之兩紀也爾河源之首尾而地絡明紀蓋漢之升沉而卦位定所謂靈漢下流百川歸焉一行之說不難易矣不然何大明稱頌天文分野詳書俱取之以爲宗乎

論曰上古之世無人不識星學故國農夫能知七月流火東顧庶女亦解三星天在辨離畢於征夫昧鼎委於宮妾凡以教授人時夫婦可與知也迨夫嚙人子弟分散或在諸

夏或在外邦靈有挾書器而長往者故其術多在於西域自梓慎裨灶之徒出遂開後世陰陽家者流每以象緯爲神術矣國家察政矧璣星象一規西法其列宿之應於地城者今固不異於古也參贊位育有遺存焉故非獲云泥古而狡然惑志於不可操之馳說也君子觀於晉鄭之同日火不可以不知天觀於鄭之不再火又不可以不知人

舊志氣候

沙據延平上游離炎海幾五六百里於豫章會稽稍近故熱亦無四時皆夏之酷然多深山大林覆其面背巖木鬱鬱爲之障蔽別泉甘澆爲之灌溉大抵皆晴暖而兩涼寒暑亦因其勢積也先春有競實之花後冬有長青之樹窮山有六月之涼亢旱有三冬之葛霜無堅冰而巖溜恆有懸乳雪無深尺而陰崖恆有宿澆溪霧則晝昏而深山爽澈山嵐則日擁而平野清明要之積陰之氣本於林木和暢之風扇於海嶠故其候如此也寅之月東作始與寒氣尙肅利於晴晴則不病於沾塗過晴則壤積難入陽氣大泄不能任單夾時遇曉卯之月巖始遭禮地

沙縣志

卷之一

氣蕪茂萬物生札利於暖暖則種酒甲不宜種雨積雨過寒甲不拆牛酒瘦辰之月寒過多風雨麥適有秋過寒苗中不長過暖水泉涸竭農道利是春三月之候也四月維夏梅雨彌旬澍潤而蒸稻田乃秋衣涼物濕微氣襲人人乃澆灌五月爲午暑氣漸盛深多暴漲早稻始穞麥酒時至六月爲未暑暑酷烈大雨時行早稻酒熟最苦尤曠三伏或冰水泉不燥三田不干是夏三月之候也孟秋之月暑尙未退若無時雨視夏尤虐民傷瓜果疫痢時作仲秋之月白露既降涼風漸至寒熱如昨萬寶成熟大稻始花最忌風潮如或過旱計穞晚矣如或早來秋穞爲故矣季秋之月雖曰霜降未冬退小雨濛濛是曰秋淋佳穀得之盛好乃成是秋三月之候也閏閏於亥民乃大穞穞成始肅清和晴燥是曰小春始可御寒冬至乃寒霜雪間有如或復雨禾頭生矣歲乃大穞冬氣不凝陽乃先發桃李華花木不解蟄不墜戶曉理散疾疾大作君子當如易之所謂閉關也過此則華萌者變而凝芽梅凍有花草勾蟲連所爾天氣上騰地氣下降閉塞而成冬者無復見矣故究四時之氣候寒暑多不時玩四時之占閏里或各異其云穀日陰清明晴雨雨芒種夏至中氣月霜降晴則自古記之矣它如驚蟄之雷不震則東除不通六月之有壬申則深水不濟中秋之月照空則年穀不熟九月一日至九

日有風以占其月米價之騰十月一日至九日有風以占其月雨澤之足是亦可以備田家之五行也至若桂花之瘵失之太涼黃竹之瘵失之太暖惟山林祖課之夫問或犯之非冠紳者之所宜畏也若夫濼則新晴旱則新雨其在子民者當加之意哉

論曰太平之世五日一風十日一雨漢節官雨暘燠寒風各以事應足信天道之表見不虛也其在後世以聽命於天而已夫為上者可使斯民聽命於天耶氣候不足言也

沙縣經緯度及日出入晝夜時刻

查沙縣北極出地緯度二十六度四十分偏東經度一度二十分故節氣較福建早七分較京師遲五分推日出入之法以半徑一千萬通弦為一率北極高度之正切線為二率本日距緯度之正切線為三率求得四率為卯酉前後赤道度之正切線求得日出入在卯酉前後赤道度乃以一度變為四十分五分變為一分春分前秋分後為卯酉前分以加卯正為日出時刻以減酉正為日入時刻春分後秋分前為卯酉後分以減卯正為日出時刻以加酉正為日入時刻自日出至日入為晝刻與九十六刻相減餘為夜刻也表二附

沙縣各節氣日出入之時刻表

沙縣志

卷之一 緯候表

三

冬至	冬至	上午日出時刻	下午日入時刻
小寒	大雪	卯時正三刻零五分	酉時初初刻一十分
大寒	小雪	卯時正三刻零三分	酉時初初刻十二分
立春	立冬	卯時正二刻零四分	酉時初一刻零三分
雨水	霜降	卯時正一刻零九分	酉時初一刻零六分
驚蟄	寒露	卯時正初刻十三分	酉時初一刻零二分
春分	秋分	卯時正初刻	酉時正初刻
清明	白露	卯時初三刻零三分	酉時正初刻十二分
谷雨	處暑	卯時初二刻零六分	酉時正一刻零九分
立夏	立秋	卯時初一刻零一分	酉時正二刻零四分
小滿	大暑	卯時初一刻零二分	酉時正二刻零三分
芒種	小暑	卯時初初刻十二分	酉時正三刻零三分

夏至 夏至 卯時初初刻零八分 酉時正三刻零七分

沙縣各節氣晝夜刻分表

冬至	冬至	晝四十一刻零六分	夜五十四刻零九分
小寒	大雪	晝四十一刻一十分	夜五十四刻零五分
大寒	小雪	晝四十二刻零七分	夜五十三刻零八分
立春	立冬	晝四十三刻零八分	夜五十二刻零七分
雨水	霜降	晝四十四刻十三分	夜五十一刻零二分
驚蟄	寒露	晝四十六刻零五分	夜四十九刻一十分
春分	秋分	晝四十八刻	夜四十八刻
清明	白露	晝四十九刻一十分	夜四十六刻零五分
穀雨	處暑	晝五十一刻零四分	夜四十四刻一十分
立夏	立秋	晝五十二刻零九分	夜四十三刻零六分
小滿	大暑	晝五十三刻十二分	夜四十二刻零三分

沙縣志

卷之一 緯候表

四

芒種 小暑 晝五十四刻零七分 夜四十一刻零八分

夏至 夏至 晝五十五刻 夜四十一刻

右二表係遠曆象考成前編天文算法以沙縣北極出地高度二十六度四十分推算至於氣候之溫度四時未有定準依華氏寒暑表計之大約最高九十八度最低三十四度雖盛夏酷暑隆冬積雪華氏寒暑表或有高至百零度低至三十一度者然此等氣候本不多見不能據以為常也况夫氣有乍寒乍熱亦有朝熱暮寒溫度之高低隨時更變故溫度表可以不列